

فرشت امصلى الأبوها و تنتظر بس جيته  
ترتقب هالة جماله و صوت حسه و هييته  
لنها تشعر چن تأخر ، هذي ماهي عادته  
تلهب ارقيه بمغيبه و الكلب منها بجمر  
\*\*\*

تنتظر جية جبلها و طود عزها بالعجل  
حنّت و صاحت (ابويه) وهملت ادموع الامل  
لنه صوت الطفلة ويلي يم ابو اليمه وصل  
بالطشت يجذب ونينه و اعلى بنته يعترف  
\*\*\*

لنه من طشته اضطرب راس الابو لجل البنت  
ونة منها بالخرابة تشعب احسين و تفت  
ترتجي جية ابوها و لنها وكفت تلتفت  
و جتها بالأحضان زينب و المدامع تنهمر  
\*\*\*

عمة متأخر ابويه و خاف لا صابه البلا  
طال بعهده و ها غيابه من مصيبة كربلا  
فارشة امصلاه و انظر موعد إقام الصلاة  
و التفارگ بوها تبگی يالعقيلة ابلا صبر  
\*\*\*

علّت الونة و فؤاد العمه بالونة انشعب  
من سمعها ايزيد سايل هالبواچي اليا سبب؟  
طفلة رادت بوها، گلهم راسه في طشت الذهب  
گوموا ودوا راسه ليها و كسروا خاطرها كسر  
\*\*\*

جابوا الراس الرقيه و حسبت بيه الطعام  
كشفت الطشت و لأنها تشوف بي راس الإمام  
حنة الزهرا اعلى طه حنّت و صاحت سلام  
و چن يتمم ثغر الحسين و يگلها اعذر

ما عليك اعتبار كالت يا شببيه المصطفى  
لكن أقادي اعلى هجرك ذاب و العمر انطفى  
تدري يا بويه بغيابك حالي يا حالة صفى  
سلبوني و يسروني و جرح احساسى الشمر  
\*\*\*

يشتمونك يا ابويه و كادوا ابنا كالعبيد  
طوكونا بالحبال و كئودنا بالحديد  
مجلسين بكوفة و آخر عد عدو الله يزيد  
دخلونا بالمهانة و احنا ربات الخدر  
\*\*\*

طفلة مشتاكة و يتيمة و جاير اعليها الدهر  
قبت راسه الشريف و أحتت اتشم النحر  
و الدمع مازج دمائه بمشهد يفت الحجر  
يا حسين آخر نداها و انطفى منها العمر  
\*\*\*

حركتها بجفها زينب لنها ما منها جواب  
صاح ابو الباقر يعمة مفجعة هذا المصاب  
ماتت اختي من حزنها و ما تحمله هالعذاب  
جهزوا ليها الجنازة و خل نواريها بغير  
\*\*\*

سكنت الروح اعلى بوها و نامت بخده التريب  
حنت النسوان و نصبت ماتم آخر للغريب  
ما توگف هالماسي و ما يوگف هالنحيب  
للي فرشت بالخرابة امصلى لحسين البدر  
\*\*\*

حضرة صارت هالخرابة توفد اعليها الضيوف  
يم كبر ثمرة فؤاد الوالي تحرم به و تطوف  
تذكر اونين الحزينة و تذكر احوال الطفوف  
و هالخرابة من فضلها حولتها كالقصر